

Biblioteca Nacional Aruba ta tene siman di balor

Duna balor su balor bek

ORANJESTAD - Dialuna 26 di mei 2014 di 2or pa 4or di atardi, na Biblioteca Nacional Aruba. Señora Michele Brooks a duna un charla interesante tocante e balornan alegría y bon beis, y tabata tin un presentacion musical, pa alegría esunnan presente.

Tabata tin mas o menos 41 participante segun sra. Josmar Maduro Sneek kende ta di Biblioteca Nacional. E siman di balor ta prome biaha cu e ta wordo introduci aki na Aruba, e idea original ta bini for di sr Alvin Inecia di Corsou kende ta cumpli 20 aña den educacion.

E ta un autor cu Biblioteca Nacional ta invita regularmente na Aruba pa participa na e festival di buki pa mucha. Sr Inecia ta esun cu a bin cu idea aki for di Corsou, e la acerca nos pa mira kico nos ta opina tocante esaki.

A tuma nos di Biblioteca Nacional algun dia pa pensa riba dje, na final a dicidi cu esaki ta algo hopi bon pa introduci na Aruba tambe.

Segun sra. Maduro - Sneek a dicidi pa adopta e idea di sr. Inecia, pero adapta esaki na Aruba su sistema. Eynan ta caminda cu e idea a bin pa organisa ful un siman di balor pa e comunidad di Aruba. E intencion ta pa conscientisa tur hende ariba esaki como cu segun sra. Maduro - Sneek, hopi biaha esaki ta wordo laga un banda.

E orario cu esaki ta tuma luga na Biblioteca Nacional entre 2or di atardi pa 4or di atardi, ta un orario cu hopi hoben ta haci uzo di e biblioteca, pero esaki no kiermen cu e ta pa hoben solamente publico en general ta bo bini sra Maduro - Sneek a bisa.

Sra. Maduro - Sneek a splica cu nan lo concentra tur dia ariba algun palabra manera responsabilidad, compromiso, tolerancia, alegría, bon beis y mucho mas. Esakinan ta puntonan cu mester para keto na nan y pone atencion na nan nificacion. "Awendia hopi hende no ta pensa mas ariba e palabranan ey", segun sra. Maduro - Sneek. E lema pa e siman aki ta, duna balor su balor bek.

Awe merdia lo trata e balornan paz cu tolerancia na Biblioteca Nacional di 2or pa 4or. E dia aki señor Eusebio Petronia lo tin un charla pa hobennan presente y tambe lo laga nan participa na e charla aki pa e bira uno interactivo, dunando e hoben pre-

sente e oportunidad pa nan por expresa nan mes y laga sa kico pa nan ta nifica balor compromiso y responsabilidad.

Diaranson na Wilhelmina park entre 6or y 8or di anochi lo tin e delaster presentacion

di balor, esaki den un otro forma presenta. E programa lo wordo presenta den forma mas artistico un cu lo haci uzo por ehempel di "sketch" anto e publico por participa na e momento ey. Sr. Mirto Lacle lo ta esun cu lo hiba palabra diaranson anochi. E

anochi ey tur hende por participa tambe y por spera cu lo tin hopi interaccion ariba e dia aki cu tur presente.

E deseo di e comision ta pa introduci e programa aki, ripiti tur aña y haci mas grandi gradualmente. □